

5563.7
4019.1

v.1

林

同

集

莫天

BERKELEY
LIBRARY
UNIVERSITY OF
CALIFORNIA

EAL

竹
谷
集

潭陽田愚題籤

水

谷

集

新編四庫全書

竹谷先生文集序

竹谷李先生歿一百有六十歲而不佞始得處士朴公之所爲狀及德村梁公之所爲銘而讀之已又得先生所爲詩文若干篇而讀之旣卒業而歎曰國朝治道休明培養材德恭儉之世始彬彬然大雅矣先生之時適當茲際與其第四兄竹陰先生諱萬榮後先舉高第已負譽一世而先生尤自任以性理之學自明善誠身以至知天知命學博而道大體立而用備卽其狀誌所述事親接物修己治人之方皆不越乎日用彝倫之常而至如詠歎吟哦之發或出於沉潛淡得之餘或得於吟弄山水之娛百載之下亦可想見其爲人矣嗚呼先生以道德學問之士當乙巳斬伐之後立朝三十年不爲不久致位下大夫

不爲不顯又必以扶植善類倡明絕學存主乎心而發之爲言
議施之爲事業者亦可以振勵當世準繩來億而兵燹燹蕩文
獻散缺使後生小子無所考德而傳信焉豈不惜哉然先生之
友以南冥之峻邁睂巖之博雅高峯之英偉德溪之醇實皆相
與爲麗澤之契先生之道之所存可知也先生之家而側室之
方塞盡禮庶女之節行綽楔先生之教之所成可驗也已今其
殘編剩藁固何足以盡先生之所有而然先生咳唾之餘精神
之運猶在乎斯則有欲求先生之道之所存教之所成者舍此
奚以哉謹書此爲竹谷李先生文集序

己巳三月上澣通政大夫前司諫院大司諫知製教坡平尹

東浚謹識

竹谷先生文集目錄

卷之一

賦

銀橋賦

舞馬賦

永州鼠賦

野人與塊賦

地用莫如馬賦

玉清昭應宮賦

孔門賦

引燭焚詔賦

蜃樓賦

石鯨賦

日觀賦

琴臺賦

詩

四言古詩

賡林子順悌

五言絕句

題古語卷末

贈別酒隱

戲贈外孫鄭聖一

詠破盞臺

次林子順韻

次韻贈別

次僧處英韻

次韻

贈別

戲贈二首

戲題二首

次主人韻

贈別

次碧霞子韻二首

五言古詩

示諸生

七言絕句

次板上韻二首

次廣文度韻

次松雪韻四首

次韻

醉賡寡和之韻二首

次韻

偶題二首

戲贈詩山主人

次南崖主人韻

主人李敬仲酌我使狂令步楫間韻不敢不題

醉裏戲詠謫蓬萊索和次鷺峯韻二首

次林子順途中望瑞石韻

次亞使韻別蔚珍使君二首

戲步崔措大所咏折角猴韻

次韻

次李璩韻

次韻二首

代慶山縣令崔眉壽次副使韻二首

次韻四首

次僧處英韻

次龍山韻二首

李協律所居雜咏四首

次白石亭十絕

庭中種瓜十七首

贈別

次韻

戲贈二首

次竹堂鄭虔韻

戲贈金大舉

次金鼎耳韻

次鄭廣文韻

五言律

次黃晦之韻

次禪韻

次邀月亭韻

山中偶題

醉步白湖韻

七言律

次坦蕩亭韻

題杆城試官契軸

庾嶺梅

賜邊衣

贈別赴京

戲題

五言排律

勞勞亭

七言古詩

中和節

七言排律

題趙學士茗溪圖

輓詞

輓鄭牧使淹

輓丁別座二首

輓長城孫女二首

輓黃通判義元。二首

輓林湜二首

輓金陰仲約。二首

輓姜臨二首

哭浪谷舍兄二首

輓人二首

輓權牧使大德

輓李監司仲虎

輓人

輓從子南原府使敬前夫人金氏

輓梁松川應鼎。二首

輓人二首

輓人五首

輓吳習讀公夫人二首

輓張兵使弼武

輓人二首

輓人

卷之二

疏

與館生請伸趙靜菴

光祖

奇服齋遵金冲菴淨疏

請宥前務安縣監全應禎疏

箋

賀送走回唐人

皇帝送表裏箋

正朝賀箋

沈大妃昇遐陳慰箋

中宮冊封賀大殿箋

中宮箋

不名外生方集卷之三

大殿箋

中宮箋

正朝 賀箋二

大殿箋

中宮箋

禋祭箋

祔廟箋

成均館率諸生謝 賜學田箋

擬禮曹請以律賦取士用變文體箋

擬禮曹請選授童訓道俾端養正之方箋

擬漢謁者隨何請往說九江王布令倍楚歸漢箋

教書

教中外大小臣僚間良耆老軍民等書

蒙

賦

銀橋賦

丙午館試題上之下

贅眈軀於塵寰對瞻眺之未奇步陰靈之散輝願上清之一窺
寄余懷於廣寒仰遼廓而費思骨未坑兮腋無翰奈九萬之迥
隔橫銀色於碧落想作橋之秘術夫孰知太虛之茫茫可經度
於一息夫何大唐之天子有浩蕩之襟胃慕清塵於上界駕遠
志於長空悠悠兮秋夜玉宇淡兮澄碧皎皎兮明月揚十分之
皓色觀周除兮冰淨望連觀兮霜縞厭宮闕之隘陋寄雅思於
縹緲歎高高之難攀佇中庭而躑躅幸同甄兮有人逞一端之
異詠青藜向天而一擲長橋截空而崢嶸滿眼銀光之蕩漾恍

天河之下傾不必知微之束筋何待海神之鞭石爰扶携而共
登適天麻於頃刻儼城闕之嵯峨煖金榜之交輝琉璃萬頃之
眩目曰黃寒之在茲芳菲菲兮襲余認仙桂之在傍瞻素娥之
齊列控鸞鶴而翱翔聆仙樂之迭奏帝香風而遠飄俯下土之
依微但城郭之周遭恨靈藥之未就未得借刀圭於玉兔一聲
寢殿之玉笛贏得仙童之拍手豈不欲久稽於瓊筵悵仙凡之
異宜凜清冷之逼骨盡言旋而言歸反鳥馬放于地但烟火之
依昔顧銀橋今何處隨轉武而雲滅一枚塵區之金錢枉擬瑞
世之奇寶數曲天上之舊譜漫成人間之新謠彼無情一片之
冰輪空作萬古之明鏡嗟橋上一夜之奇覽幾入騷人之吟咏余
反觀而潛思悟此說之無稽自混沌之既死判玄黃之覆載

鬼天兮人附地迥上下之難接豈可以杖而作橋凌霄漢而
上惟望舒為衆陰之宗隨天行而圓缺柱影兌形之猶不足信
又何有官府之可賞倘真有夫是事亦道家之幻妄苟明辟之
王位宜是懲而歸正况銀橋之有說在開元之盛時方礪精而
求治豈荒誕之可為嗟大道之既隱紛異說之蜩起發逕庭而
胥信恣河漢之無紀不求端而訊末咸惟怪之欲聞噫彼蒼不
可階而升寄往事於浮雲

舞馬賦

戊申別試東堂上之中

數毛羣於下土憐神駿之擅用職乘載而致遠實今古之取共
吾知其行地之無疆何獨效異於唐家人袖尚拙於當筵畜物
胡善乎嗟嗟屬仙李之六葉緒幸承於小康謂四方之無虞盡

戴易

山谷先生文集卷之一

及時而怠荒几齡死今韓休罷寂諫疏於四門錫鼓催兮宮花
和海棠睡兮迷魂竭奎心放奇技博寶露之一破彼郭郎之琅
瑤詎尋常之娛座伊之仗之仰秣寔調良之可名爰擾習而人
主學宮腰之輕盈應霓裳兮宛轉做羽衣兮娑娑環力士而奉
載豈軒鶴之足誇奪玩好於鬪雞同跪起於馴象和妃子之胡
旋以居王之深賞注重瞳而無厭易三風於萬機託所患之孔
非執斯賦之有詞誰知鷄障之深嚴已有猪龍之朵頭馬自驕
於龍尤人未堪於蹙頞寧獨樂之可久忽朽索之斯絕鞞鼓雷
動於漁陽箭馬竄突於兩京劍閣高兮雲棧長御青驪兮傷霖
鈴回首昔日之歡娛驚春夢之一酣百官臣僕於擘胡靦面目
今不曾慚惟戀主之一物獨不污於賊累恨齒長而流落空見

怪於厩吏噫明主之慎德戒恒存於衷志受契猶警於周訓八
駿實病乎周治矧淫巧至于舞馬宜國步之艱疏是知霧鬣之
在教禍有甚於牛擘鹿銜花兮鐵馬趨實氣類之所臻在偏塞
兮何誅主張是者乃人識治國於牧馬聞古帝之善推成大務
於則圖感伏羲之深思物何負於吾人人翫物兮不自知推仁
而愛物乃誼辟之收嘉吾將借曹霸之妙手摹此馬兮戒後車

永州鼠賦

何天壤之含弘兮渾萬彙而流形惟穴處之有物亦攝氣而並
生賴狡黠之有餘保么麼之微質胡永州之有鼠伊遭禍之斯
酷細飽安而莫戒選殄戮其宜爾曰昔主人之伊誰心有僻於
拘忌謂己歲惟于是直於可賤惡者斯愛戒童子俾勿擊矧肯

畜乎蒙貴垂參芒兮劈豆角爭呼朋而作隊竊楊米兮孰禁盜
來肉兮誰効器何完而不穿衣何鮮而不齧跣踉蹌暘之曾不
厭復何憚聱聱與窶窶貫數歲而莫之去羌累累而日狎自以
謂爰得我所庸詎知時去而禍迫曾歲月之未幾奄他人之來
定人好惡之靡同兮何不變其故態既非拱立之有奇又無三
吐之可貸宜指汝爲醜物無俾易種於室中既撒瓦又灌穴攫
有結兮捕有童非伏翼之能飛豈竄匿之敢暇直如腐朽之餘
漫伴鷓鴣之嚇顧昔日鬪暴之萬狀空留迹於野馬吁嗟乎悲
死之一念固有生之同然鳥色舉而遠害獸簡出而自全伊畫
伏而夜動乃惟爾之常也以無禍焉可恒兮宜自底夫殃也然
物性之痛寒吾於爾虫兮何誅噫竊時而肆暴晒含靈之同趨

伎患得之鄙夫心有甚於穿窬逞穴社之陰狡兮入明夷之左
腹竊雉膏而耽耽騁狼慾而逐逐始求憐於昏夜竟驕人於白
日紛互破而胥汲羌寔繁其有徒嫌牛腹之未果兮更傍伺而
訕覲人寄忌器而莫投夫孰棄之如孤雛縱百態無所忌憚竟
流惡而煽亂魯倚伏之相乘謂長保於無患逮小往而大來判
町好於曩昔疇不遺之或存舉蒙斧而伏鎖固亂流其鮮終兮
是禍孽之自掇爰提彼而較此謂孰人而孰鼠夫人固靈於萬
物胡爲乎以微虫自處咸以己而卽物兮孰以物而我已知我
人而不自我吾又何取於柳子遂爲系曰相彼鼠矣物之微矣
可以人而惟鼠之歸鼠而爲鼠鼠之常矣人而爲鼠胡不遘死

野人與塊賦

洛物理之倚伏兮炳榮辱之相纏
沕上下之交貫兮可以人而
驗天徵五鹿之有塊兮悟陰陽之不爽
彼野人其何知兮實天
誘之有象嗟女戎煽處乎晉宮
流毒禍於饒舌伊駢脇之公子
詠小弁於蒲城人皆集菴而棄
枯孰非辜之能明滯一紀於狄
土非余心之攸寧彼十二之山
河庶淹恤之可倚歌匪兕於衛
野兮呼斯急於庚癸知刳股之
難繼兮詎嗟來之足恥孰余祖
兮蒙戎冀餘饁之潤肺何彼氓
之蚩蚩兮不以食而以塊在呼
蹴而不受矧侮繫之可憊賴于
犯之云從供亾人之羈勒謂是
有土之先驗諒上帝之所錫聊
牖民而示衷候出王之昭晰指
歲月而取必轉齎怒而成喜果
令圖之天資兮返神甲於淵水
踵九合而定霸孰載書之牛耳
挾天王以號令孰威稜之可遏

責不禮以還罪侈衛田於版籍符璽言於臺省驗不謬於毫髮
意天遠而人邇非明智其矣識然國家之興替兮信任已兮不
在物有寧王之盛德不必白魚之入舟惟仁親以爲寶是晉文
之大休以五賢爲心膂兮宜取威於中區彼與塊而得土偶斯
言兮中之終然譎而不正兮胡久假而不歸志孔門之無傳吾
於國語乎非之

地用莫如馬賦

頽廣厚之茫茫載萬類之載載杳飛走與潛伏戢圉形於亭毒
然上下之殊親揆厥用之不一鱗或躍於玄間介有成兮疊疊
鬣者吾知其爲馬歎無疆於行地居三百之毛羣獨擅用於富
媼緯東維兮懸房位南紀兮奠午沕異氣之交幹肇權奇之成

質不煩於附翼頂葵取夫施角蹄既有此堅利又何爪牙之
足說雖稟性放乾剛實種德於坤貞匪翰飛之戾天着下土而
健行豈惟愛夫神駿抑爾力之可服紛乘載而致遠驟駸駸兮
驅薄薄登康莊兮歷阨絕職用極之斯臧摧堅陷銳躪肉蹠血
孰非有賴於騰驤翻塞王於四下迺大地兮無餘君于是以取
之稱厥用之莫如贊於易曰地類咏于詩云有駟彼虎豹之在
山徒害人而殘物伊羔豚之八牢費芻蕘而奚補惟茲馬之爲
用物莫與之敢伍審厥數之多寡占國家之虛實宜戎政之斯
亟蚤有備於閑牧既設官又立監倣萬長之有法開十二而或
六秩尊卑於姬制苑卅六而又八局幾愛於叔季吉日兮祈禱
亦王事之一端既信兮且閒知畜養之惟艱垂雲錦於河渭周

襄非子之繁布駟駟於垌野魯稱僖公之盛信地用之在茲或
有養而遂性然善敗之異用不在地而在人漢河圖而畫繇成
大務於萬民文駿蹄於八荒致國步之斯類比四物之攸則宣王
以之薄伐暴萬斃於干戈武師胡爲乎西極噫率獸而食人何
後世之倒植譬大化生物之至仁地不負人兮人負地爰觸類
而興感采余懷之莫已外驪黃而索駿九方所觀者天機執策
以爲無良今之相者舉肥若育馬兮垂兩耳上太行之欽崎蓋
車之既未免矧玉川咸池之可期幸孫陽之當途試昂首而長
嘶

王清昭應宮賦

懸一疣於覆燾仰昆侖之蕩蕩大無外兮尊無對祖萬物而在

數

竹谷先生文集卷之一

上夫何屬諸之有孫高上帝於一宮以蒼蒼爲罔民之具糜財
竭力兮成此穹崇撫往事於縹緗堅余髮兮如竹數當日之讐
尤吾將上叫閭闔歎悠悠兮難攀里九萬又八千聊據梧而假
寐幻胥翼而翩翩指虛無余上征有嚴嵯峨兮名紫微儼玉皇
之高拱八余跪而陳辭曰趙宋之三葉君如醉今臣如狂孽胡
憑陵於榻外亦人謀之不臧愧千耳於澶淵思一雪而無術汚
七十二代之編錄蓋將服四海兮誇外國謂天瑞可以力致又
有從災以儉小侈辭夸語炫耀黃白一惟皇言是矯將無聲與
無臭乃復假之以銅質擬是奉而是安殘同胞於土木攻非藉
於子來名不怠於讎敵續結怨而構愁役七載而始訖抗將榮
於土煙急標題於碧落延床幾里之輪奐儘元元之膏血戡疾

百而蹙額仰籲帝兮帝不知也律德之彭閔皇胡靳乎降威宜
赫然而斯怒殄資澤於中夏反延國祚於三百使老奸又死膺
下殃慶不以類應善與惡豈勸懲也皇聽瑩乎余言色敷腴兮
語丁寧云台肇位於高高寓一心於生成慮下民無主乃亂作
之君俾司牧予本無視視實資於民目又豈有聽聽惟假於民
耳予無所親唯於克敬者享只伊誰云憎所憎者違道悖理堯
能欽若予眷佑使爲入子舜德升聞予又命之以位夏癸矯誣
以布命俾成湯奉辭以伐之商辛瓊宮而毒痛肆予假于于姪
室彼叔季之醜德徒腥穢之上徹東封西祀唯事誇詡夫孰役
志于享唯宮室臺榭之是崇誰知及爾出王責既不盡於宗子
趾相尋於殃禍伊趙氏之誕妄于昭昭若觀火豈不欲降大戾

於厥躬奈予心之仁愛況有嗣可以蓋愆寧不須假而寬貸譴
告屢憑放災異蝗飛星孛而日又食又令豐隆與列缺將丙丁
以下焚飛薨一夕煨燼於回祿足慰吾赤子不敢言而敢議孱
孫尚不知戒復盡心於道教耗海內於花石民手足之莫措父
若子羈死沙漠禍之慘古未有此是雖自作之難追抑前世餘
殃之並至惟昭應不僭在人予豈有一毫私意予雖蒼然在上
人各具夫一天方寸中有主宰上與下初無間然如欲無得
罪於予盍亦毋自欺焉在匹夫其尚然矧君臨乎億兆彼昏不
知昧對越之有道存心養性乃所以事予又何取金泥玉檢之
秘奧洎中國兮撫四海不必役志於幻妄世或有非禮而僭越
謂予不如林放予固不享非類兮豈居歆而貽饗求以受乎冥

續

佑祗以招禍而速戾又有甚於此之爲者獨不見西教之惑世
琳宮梵宇照耀湖山何莫非因民力而經營終焦臂而燒頂今
奉凶穢之醜形梁武餓死今楚英誅已予罰之孔明何後世之
莫戒今導厥輿於前轍疾敬德兮誠小民乃予心之所隲熾而
昌今壽而臧亶在此兮不在彼予何言哉今此諄諄兮良有以
宋之宮既往不諫冀來今之或悟汝其敬佩予言聊以颺言于
下土余聞言而兢惕欽拜辭兮下青冥忽遽遽而欠伸但見星
河皎潔玉宇澄清

孔門賦

閱余晚生褊荒歎出入之多岐紛塗抹於榛蕪矇不知夫所之
曠千古而初筮賴依歸於至聖竭吾力而銳造望孔門而驟騁

鐵鎖之高無胡得入之夏夏雖洞開無邪曲實難窺其閭闔
 初一物之無見但數仞之有墻仰彌高今鑽彌堅喟所從之迷
 方惟博文而約禮古之人從事於斯汨余若將不及奉訐訓而
 孳孳知闢然之所自異尋常之有仇既識路入王晉覺高深之
 蕩蕩富矣百官之盛美哉宗廟之廣巍然所立之卓爾豈經營
 之費力煥乎其有文章非有藉於黜陟陞天之堂陞儘悅目
 之夥頤探奧突之濊濊變所觀於景時有自然之至樂夫豈顧
 乎數尺之椽題向未得其門而入焉吾其爲獲盡之醯醢縱七
 十之親炙然得入之有幾懿顏子之不罷美曾氏之一唯咸絕倫
 而深詣卒優入於斯門端木氏之穎悟亦聖道之得聞既觀感
 之真如獲武於一言景鄒邑之私淑能庶幾於入室痛末路

之益分獸面牆而惑惑門雖設而常開喜更闢於未可護真儒
之輩出庶歸宿之有得世皆却步而圖前競橫騫而輩馳倘睨
視則匪邀豈闇人之我麾惟有爲者能入信自勇之在我人皆
知入必由戶何莫由夫斯也庶見遵道而慥慥聊與予而同歸
也

引燭焚詔賦

燃青燈而對梧遊余目於縹緗披文靖之遺傳欽痛快之忠良
仰綵綸之一火歎直道之昭彰非今世之所爲歎余穎兮莫之
止夙秉心之鯁諒惟格君之是事整紳笏於朝端期振綱而頓
紀彼嬋媛之美人實有扁之斯石忽一夕之有詔揚翕赫之光
烈孰參昂之有詠將衣裳之倒植先生之蹇蹇兮寧愬然而坐

視念晨婦之傾殷暢褒艷之滅周始壺位之失序竟內訌之莫
分今雖未至於此極臣不敢不爲之先慮相彼燎原之盛實自
炎炎之敘况貴妃位冠後宮奚取乎煖銀之家 鉄心既切於如
悵兮迹何嫌於方命豈不欲面折於異日恐邈邈乎天聽奄燭
影之一搖灰已飛於黃麻誠固出於畜君豈齎怒之敢加果厥
議之遂寢賴名分之斯明噫人君發號而施令威豈啻乎雷霆
人皆知虎鬚之難編夫孰龍鱗之敢逆能抗直而不撓躔若人
之嫵節今夫世之有議兮謂臣道之未盡閣王命而不有得無
愧於惟允苟納約之有道豈荃心之難格然當時承順之成習
競阿意而逢惡重望孰如文正曾無一言之及此惟先生斷斷
於弗執固敬上之在是彼楊公不下制筆亦見先生之赤憤吁

格

嗟乎龍亡而虎逝疇敢曰不可爲母儀畢竟垂簾之相仍孰與
朱室之不幸嗟哉先生名萬古而炳炳

蜃樓賦

慕乘桴之遺意觀盈科之取放積一勺之至多成粘天之混漾
龍嘘雲兮鯨噴沫各效技而出沒蛟有室兮鼉有窟咸得野而
自適異哉輪輿之突起樓何爲兮水中夥頭孰主張是乃么麼
之介蟲始幻質於彩翮秘幽怪於洄洑時假精於大武厄篙師
之利涉闢銜珠於老蚌分吮血於毒螫蜀江豚之未戲占飛廉
之戢威鏡面平兮如拭纖縵息兮彌望忽怪氣之乘騰眩紅綠
與玄黃初霏霏而微升漸燦爛而昭彰俄羣飛而鳥革驚華構
之崢嶸離硤礧而棲礎琢琅玕而抗楹列綺疎兮玲瓏繚玉欄

兮宛轉戰魚鱗兮參差掇蝦鬚兮高捲屹峇嶢於俄頃寧不日
之勿亟般倕輟其巧思公輸廢其剗刷况江都之迷人非勞悴
乎民力宛周馳之絕漢吳表闕於南山乍似近而還遠勢將危
而復安是水仙之攸芋豈塵凡之可攀文鯉兮時躍訝琴高之
來遊羅襪兮生塵想神妃之事猶信下臨之無地歎登眺之末
田忽封姨之憑怒動銀屋於波心千門萬戶兮何處儘雲消而
烟沈歎靈怪之叵測諒物理之難詰斯豈非造物之戲劇調吾
儒之窮約貌一畝之蓬華訛珠宮與貝闕抑有意於牖人示大
疵乎天初恢廣廈以幬幪闡負荷之重責式寓戒於人收勿役
志於無益凌霄漢兮軼埃壒競窮麗而極侈鬼已瞰乎其室高
高下下兮遺址矧附勢之寔繁接宦海之危武爭交手於翕赫

恨

馮旋

鮑

數

作海市於峻宇逮冰山之一類奄電掃而無迹噫所感之非一
增余懷之惘惘遵海濱而容與起旌陽之遐想發清嘯於水國
作長風以破浪令海若以前驅後憑夷使奔屬蕩羣怪之巢穴
奮青蛇之一擊靖妖氛於阿堵俾四海兮安帖

石鯨賦

懟瓠瓜於一隅思遠遊而缺桂余棹兮蘭余漿聽所着於秋風
溢余汴此昆明帛往事之淒涼館缺堂清暑兮榛荒訪千載之
遺蹤餘古物於池側夫何大壑之長鯨伊假形於山骨起漢武
之御宇駕雄圖於秦皇逞一心之侈大欲臣妾乎萬方憤小魄
之陸梁擬丘墟於一威顧肆戰之無所殘民力於一池匯百川
而淳潘成幾里之瀾漫湯湯浩浩而無涯類鴻濛之未判迷戢

易

外 理

艘於南北耀曾觀於內島靈若紫鳳之翔集盡澤國之秘奧牛
女瑞星之旁羅窮天上之所有攢萬象之幽怪庶觀覽之一快
彼橫海之巨種擅奇偉於水族然不可羅取而釣獲思得致而
無術捷巧思於摹狀隱萬仞之蒼壁運般倅之妙技偷造物之
神功頭峯起而菌蠢脊雲橫而嶙峋萬牛回首而難移夸娥欲
負而無因隳奮起而一吸勢萬壑之皆貪當雷雨之時至若鼓
浪而噴沫振長鬣而欲騰動脩鱗而將躍彼物池之纖鱗咸驚
駭而竄伏天吳辟易於波底馮夷戰股於深窟缺頑然之一物
效靈怪於假質斯豈非異物之陰託乎帝心而昏惑何武皇之
莫悟缺蠱惑於好物駕龍舟而滄溟日寓目而耽樂置萬機於
度外昧邦本之親隍倘非輪臺之有懷缺路缺秦之遺缺

恨

波

忽晏於昭陽悲石馬於寒坡顧斯物之無主空埋沒於一花委
鱗甲於漫沙隕明月於波心未免牛羊之礪角幾見牧豎之來
侵悲涼秋風之夕起悽楚夜月之來照含微情而無語抱鬱結
而誰訴余摩挲而徙倚重有感於當日所貴明辟之御世貞百
度而作極務修德而恤民澤亦反於魚幣夫豈徒事於虛偽窮
心志之所欲肆聖神之創物或必在於無益帝堯之磬致鬼神
之來格宣王之鼓主功德於萬葉關石藏于夏府要稱物而平
施肺石在於周廷忘民隱之莫達苟至德之所寓雖拳石而可
貴彼漢武之石鯨曾何裨於爲治是所謂玩物喪志空貽譏於
千載泚巨筆於昆明遂大書於鯨之背評曰悠悠兮宇宙昆明
兮幾劫金狄兮椎碎城闕兮草沒雄圖壯略兮安在今唯石鯨

乾

作笑四於千億嗟往者吾不可諫兮聊以戒乎後來之人故

日觀賦

余豈若瓠瓜哉作青邱之孤囚發油然於宇宙御長風而遠
遊拾瑤草兮崑巔飯胡麻兮台阿諾仙侶之招要玩緇鳥之擲
梭聞日觀之稽天兮實登眺之奇絕飄雲裾兮振霞佩云巖遙
乎彼岱岳盤回石磴五十餘曲隨鳬舄而紆縈忽崎嶇之斗立
見輪奐之高撐櫬隆極於銀漢隱璇題於雲端喚鯨背之謫仙
試共凭乎危欄騁遐矚於四表擬宸區於彈丸舉若華以綴縑
劈蟠桃以爲羞指坳杯於南溟看一帶於黃流俯積蘇之漲塵
悼日及之不少留吾將掛長綵於碧落繫此西飛之白日俄青
童之迅報曰東溟之湧赤注紺瞳而凝視極長天之浩渺三足

恨殘皴

挽

騰嘉而翱翔六龍輪囷而大矯矜天鷄之初啼是人間之午夜
想羊腍之未熟張義御之驟駕與其遠萬蜚姑之怨咨寧酸鄒
翎鬣之莫賞然上帝照臨乎下土豈天眼之可瞞懼譴責之或
加廢余忘而不卒修返照之高卷聖崦嵫兮不可挽枕雲櫺而
高眼散遽棚於列嶽翩然於頂之大人自尼丘而戾止云台拱
立而起敬願緒言之得耳動海口之申申曰汝胡乎此也昔余
覆此崔嵬豈顛矜眎之為樂念吾黨之小子昧大道而莫曉田
椒麓至于冢頂庶登高自卑之可了逮自處之至高悟所見之
益小茲誨誘之多術知余意者蓋少名教中自有樂地不須離
人羣而遠引慕神怪而行險汝小子胡不自信不出戶知天下
之小觀容光識有本之照樂山兮愛日亦何必崎嶇於登照爾

弊

其歸而求之敘深省於內耀余瞿然而再拜聊書紳以自監忽
神寒而欠伸但見新曦皎皎山色萬岳

琴臺賦

錦水明兮賦清城眉秀兮宛轉擅佳麗於今古鍾風流之奇焉
訪當日之遺蹟兮赴荒臺於暮雲撫弊竇於茲茲薄徵名琴於音
同孰枚焉兮逍遙曰惟西京之詞客夫何石人之浩蕩於凌雲
之將節幾平孤吟於四壁奇雅情於短詞驚滿座於扶君偶落
托於臨邛有美一人兮竄迹山宇不為甚都而作客繞鳳凰之
入指意靈犀之已通同齊以之獲發作秦笙之共迴豈當墟之
可大兮託契潤於高臺翬綵綺而晤懷和峨洋之深衷送飛鴻
於天外撼鶻微於半空發清響於朝雲兮鳴神女入夢之珮透

哀彈於月殿今起姮娥竊藥之悔憐湘瑟之孤奏笑牧犢之缺
曾日月之幾何忽白頭之變調然情摯之難睽終斷絃之再續
嗟玉檢之藁成久好音之寂寞空舊砌之傾側動秋風之燕麥
勤好事之增築浪着足於畫蛇余千載而興喟諒所懷之殊科
伊五絃之權輿乃理心之一物要性情之歸正豈邪穢之外鑠
况遠端為人倫之始胡淫褻之至此雖才華之盖世亦類能而
美取題柱徒志乎高車作賦只要夫黃金復遺臭於臺中至今
雲物之懷慙關睢樂而不淫吾聞玄聖之至音儻南薰之際會
無奏杏壇之回瑟

詩

四言古詩

賡林子順

將号白湖

緇塵霧霧玉屑霏霏悵望脉脉胡忘我爲

五言絕句

題古語卷末

可觀更可成莫道是閒話喫緊古人心分明卷裡盡

贈別酒隱

昔日來何暮今朝挽不留桐鄉遺愛在離恨滿南州

戲贈外孫鄭聖一

霞谷

梅渠起又拜年尚未毀齒更喜寫文字老鴉棲蒲紙

詠破盞臺

吳館看遊鹿秦城鳳不來汗尊杯飲處明鏡本無臺

次林子順韻

何處杏花村能留天下士且余錦里人莫棄道傍李

次韻贈別

相逢江上寺回首隔三秋嶺外今成別雲烟萬里愁

次僧處英韻

來去本無心白雲空滿腋身從猿鶴遊好偈留城郭

次韻

依舊片雲黑應催咏復歌湖西芳草路須記寶釵斜

贈別

秋月寒江句春風座上人來遲歸太速惱殺一方民

戲贈二首

佳人天上仙謫降爲寒素塵界宿緣淡蓬山幾時去
玉蕊艷仙姿孤芳識者稀此身疑是蝶栩栩不知歸

戲題二首

春來開萬枝春去十分稀兩度看如此故園歸未歸
誰教開遍枝又熟使之稀玉蕊凋當發紅顏去不歸

次主人韻

今夕知何夕萍逢菊花時羨君能息慮衡宇自棲遲

贈別

白髮相逢處黃花把酒時莫愁歸路遠惜別故遲遲

次碧霞子韻二首

吟情殊未已前村暮暝烟所貴知音少秀句莫浪傳

衆耳向折柳子獨理朱絃詩壇高萬仞穩着祖生鞭

五言古詩

示諸生

古有寧國宰一杯化氓俗如何今日飲三與諸君屬
一杯勸從約二杯勸力行三杯勸勿替此言君更銘

七言絕句

次板上韻二首

驅馳祇得送殘年事業邨堪繼
往來遺響楫間堪詠歎典刑空
自憶森然

紗籠遺跡宛當年往事分明阿睹前
原隰猶存君子澤竭來棠
發更潜然

次廣文韻 鄭虔號竹堂

高樓眺望渺無邊
長簫纖歌聒舞筵
青眼相逢今夜意
從他醉筆倒更顛

次松雪韻 四首己巳

秋高漢北葉初飛
深巷僑居獨掩扉
莫學老蘧知較晚
猶存四十九年非

黃花白髮自相期
惹得秋風楚客悲
錦水尊鱸今故好
旅床孤夢聖先知

賓鴻先我欲南飛
遙想黃花映竹扉
孤枕分明三夜夢
幾回驚卻覺來非

床頭蟋蟀宴如期
喚得秋來無限悲
滿鬢風霜歸去晚
閒愁惟

有月明知

次韻

窮懷衰境不曾開
忽見故人青眼來
亭午公餘宜倒屣
梨花樓外雪成堆

醉賡寡和之韻二首

仙袂飄飄豈有蹤
清吟留與滿南中
明宵獨倚樓頭月
東鬢天涯雪欲籠

南北東西無定蹤
美人長望五雲中
危樓此夜逢秋月
庭樹蕭蕭露氣籠

次韻

兩鬢贏得雪霜侵
消遣須憑綠綺琴
此日相逢雙眼碧
細論滌

倒歲寒心

偶題二首

無心便逐出岫雲遙望天涯是歸路獨掩寒齋搔白頭海鷺西
飛日又暮

未聽荒村歌五袴惟看菜色盈街路可慙謝令推不去何人肯
道來何暮

戲贈詩山主人

癡人欲學捧心顰願見含飴豈寇春東閣今朝風日好仙凡宜
許暫相親

次南崖主人韻

真境神空月幾秋天致詩老此間留一壺新破雲根出十里風

烟眼底收

主人李敬仲酌我使狂令步楣間韻不敢不題

遠郊烟樹似多情拱揖尊前慰不平脩竹影中杯面凸盡教鼃鼓響春晴

醉裏戲咏謫蓬萊索和

塵間一念未全灰誤讀黃庭故下來仙骨不應隨濁世謫居猶得住蓬萊

次鷲峯韻二首

想得君家草樹深
危中終夕坐清陰
簿書叢裏塵埋案
何日重臨細討心

賸把離杯不厭深
檻前叢竹轉涼陰
送君此日增悵悵
更攪淵

明歸去心

次林子順途中望瑞石韻

尋梅東閣歎衰遲
卻望雲山心事違
逢着風流驚滿座
觥船棹處挽征衣

次亞使韻別蔚珍使君 二首

地近扶桑海拍天
眼窮三島且無邊
相逢是處還相別
握手臨分倍黯然

如今老守百無爲
氣銳才雄似子稀
滄海從茲波永息
應教倭寇懼天威

戲步崔措大所詠折角猴韻

初疑魏卒暮當臻
旋訝鮑生槁水濱
勞來憐渠長不怠
更能窮

角禮儒巾

次韻

頭上無情歲月流任從歌管咽高樓
桑榆懷抱憑陶寫醉眼朦朧世事悠

次李敬韻

莫將佳句刺遨頭自是城隅客夢幽
雲雨陽臺今似古風流不減舊襄州

次韻二首

一葉驚秋大火流新涼初到峴山樓
此時觴詠他年憶兩地應同望眼悠

習池從古足風流更遣天葩映翠樓
老子接羅休拍手塵間萬

事本悠悠

代慶山縣令崔眉壽次副使韻二首

高駕追隨已浹旬
況承瓊唾富箱中
應同滄海孤輪月
幸憶辛勤鼎俎人

到底輸情共一危
新如何必舊相知
扶桑縹緲朝曦外
碧海長天無限思

次韻四首

金閨之彥幸來過
一眄梨園光價多
已出墨池登雪頰
更須移作玉欄花

銅鞮歌舞興難收
況復春回白鷺洲
風伯莫傳城上箋
異鄉人倚月中樓

海天空闊片雲收
仙客乘槎近十洲
白雪吟來揮彩筆
虹霓
犬動高樓

蘭室仍添佳菊香
霜天灑訝是春光
習池風景今如昨
白髮山
公行太忙

次僧處英韻

光州牧使時

儒釋何妨一席兼
酒樽茶椀倒仍添
他年須記海陽館
此日彌
天四海淹

次龍山韻二首

擲地金聲自遠聞
爭將布鼓過雷門
一樽今夕空相對
紙上難
招飯顆魂

盞到君前耳不聞
幾時能叩醉鄉門
清詩賴有醒塵慮
香裏真

如藝返魂

李協律所居雜咏

四首

石磴苔頑境轉幽一琴消盡百年憂
鐘期雖逝魚猶在波面長
有鱖鱖頭

樂琴堂

溪心寒月近人明
琴向臺中特地清
殊是無情還有淚
雍門漫
說曲池平

彈琴臺

盡日長絲蘸碧波
庭楸那用坐東西
空教缺響滿天下
身在綠
陰淡處迷

翠柳亭

幾度新聲換舊音
洋洋一曲古猶今
樓中自有高人聽
白引清
音入短琴

聽溪樓

次白石亭十絕

山僧靜裏還多事長管烟霞欲曙天雲護鐘聲留不得隨風吹
落客船邊

梨寺曉鐘

村居太平是漁家面面柴扉對靜沙疎竹喬林添夕照平分十
里影橫斜

論村夕陽

玄冥戲劇天機熟白玉京開銀漢隅為問西遊三萬里瑤池能
似此間無

毛浦晴雪

一泓凝湛淡無底時見潭心吐瑞烟入夜靈風吹作雨應知陰
晷罷酣眠

隱潭夜雨

觀魚何處知魚樂江合三條練色長翻玉擲金皆得意休論魚
鯉與浮陽

合江觀魚

天公着意琢層巖駐得寒江暮客帆聊復停杯煩一問林梢遙

見吐銀蟾

曾巖邀月

鋪雪堆銀面面平
長洲潦盡夕陽明
篆空陣陣留寒影
江磧遺圖縱復橫

七沙鴈陣

渡口月明人散後
滄浪一曲聽依倚
荻花叢裏機心斷
句引沙鷗自在飛

烏津棹歌

寥落霜空鴈背高
城頭黃葉政騷騷
菊邊有酒休言薄
稚子餘來香滿舫

山城晚秋

滿山芳意缺殘雪
木帝初回識者誰
忽有暗香雲外遠
急扶藜杖訪南枝

密峯早春

庭中種瓜

十七首

蒼苔剝破蜀南訛
解慍風將細雨過
佇待花時心事鎮
青門何

羨邵平瓜

東陵逐利事堪訛
劂谷傷情豈敢過
爭似儒家庭畔種
潛心黃卷賴此瓜

鎮心先正語非訛
百果如今莫此過
珍重栽培應有意
缺端欲獻慈瓜

炎天昏睡不曾訛
羅雀寒門孰肯過
手種滿園青欲遍
爭如庭畔爽神瓜

浮言囂俗易成訛
寄語君休納履過
玉鍊金流無處避
唐家宜嚼薦茲瓜

何須劂谷辨真訛
庭畔荷鋤十畝過
種得豈宜資口業
含章他日杞包瓜

曾參遭杖舊傳訛種子如今老圃過溪甌炊時枯吻潤安期有
棗豈如瓜

莫把黿羹食指訛求鯖休向貴門過蘭滋九畹終無用何似栽
培半畝瓜

五色非真如棗訛青陵海上不須過我今種得閒庭畔好待寒
泉浸碧瓜

只見寒林烏尾訛何人載酒此中過長吟不耐相如渴卻向庭
心學種瓜

階前莫遣狼羊訛堂下休牽鰕鯪過一字平生難收豁間中事
業只種瓜

齒墮年來語欲訛空教景物眼中過如今種植非緣口意在耘

鋤不在瓜

生平事業魯魚訛歲月空驚駒隙過破硯年來磨不出要須果腹滿庭瓜

龍鍾十載世相訛誰訪相如載酒過庭畔兩餘親自種滿筐蒼

玉鎮心瓜

海上仙人比大訛唐家二月不曾過田邊納履誰能戒公回終令如漬瓜

種棗種松計舛訛應須剝劖十年過書窓讀罷當消渴庭畔何如有庭瓜

齊東人語莫徵訛缺過街子今憑青鳥報庭中賸得種仙瓜

贈別

瓜滿猶將借一年一年纔半便歸田詩人應赴梅花約東閣清
吟要再傳

次韻

白髮年來生更多停杯其奈落花何官醪正耐飢船棹莫向村
童覓酒家

戲贈二首

月老長繩暗已縈年齡何事太參差他生定卜無先後共看紅
顏白髮時

羅薦情緣底事縈不須年月較相差頰頰松栢溪邊柳看取要
當歲晚時

次竹堂鄒處韻

黃澗橋邊竹下梅北根何日此歸來
秋今猶帶廣文吟應向詩人展好懷

戲贈金大舉

君欲思歸可便歸杜鵑聲恠不如歸
光山風景縱云好爭似綦巾待子歸

次金鼎耳韻

長堤碧柳管春情水面風恬鏡樣平
芳艸落花山驛路一聲啼鳥弄新晴

次鄭廣文韻

聞君一脈寄寒梅培植恩深雪上來
只恨離根知幾日定應難擲箇中懷

五言律

次黃晦之韻

莫訝髮新白眼青是故知魁梧逢此日
婉孌憶前時談向阿戎
好樽同叔夜遲江雲和渭樹還入去留思

次禪韻

嶺外饒秋興禪家一味涼溪鳴琴遶砌葉落錦堆牆
道眼迎人
碧騷眉得句黃自知陪賞亦徒欲仰高岡

次邀月亭韻

俗子逢迎斷清光只見邀傾樽寧約筇掬水可捐瓢
凭几耿無
寐橫琴時獨謠看看圓又缺髮髮自蕭蕭

山中偶題

青鞋知有債隨意作春遊
筇滑烟霞膩吟豪洞壑幽
月星蘿樹邊秋花落埋歸
逕溪清欲飲牛

醉步白湖韻

光山渴頗妓愛喚子卿
卿歌扇能驅暑舞衫易作
涼但知人慘袖寧識客貪
程暮雨高唐下歸思莫渺
茫

七言律

次坦蕩亭韻

晚翠堂李黃鍾亭

山翁溪叟各分區坦蕩孤
亭占海頭境界鴻濛初判
日曾懷陰曠永晴秋白鷗
故故吟邊狎金馬迢迢夢
裡遊後樂先憂男子事未
應身世老漁舟

題杆城試官契軸

天作高山鎮海東扶輿鍾氣譽髦雄沙中秘彩披須治石裡韜
光剖待工耄矣昏花慙獨我瞭然懸鑑仗諸公萍逢勝會雲俱
散一幅長看啓齒同

庾嶺梅

繕工監正時月課

桂梅人遠尚留梅南北枝頭次第開雲外暗香風滿洩巖前疎
影月徘徊儘教驛使傳春信句引詩魂入酒杯缺棄無心調鼎
鼐寄言桃李莫相猜

賜邊衣

征人萬里事辛酸閨裏縫衣寄亦難偷號半宵冰滿袖斫營殘
月雪堆鞍覃恩已布宮中煖効死應忘塞外寒想得三軍蹈舞
罷直磯胡虜作京觀

贈別赴京

春部郎官宿望優征車迢遞是觀周
一年愁鬢頻看鏡萬里清遊半在樓
遼左白雲山驛暮薊門紅樹鴈聲秋
臨分重憶歸來日雪滿關程擁翠裘

戲題

為妓迎道伯歌謠

仙居縹緲路迢迢十二瓊樓弄紫簫
玉節喜聞遊海嶠羽衣相伴下雲霄
水精杯裡添霞液馬腦盤中獻碧桃
脉脉銀屏誰與共可憐辜負月明宵

五言排律

勞勞亭

繕工監正時月課

有朋將遠適携手上茲亭形勝雄星紀
山河控地靈謂言愁可

豁言觴得涕交零惆悵勤相送遲回復暫停情懷同駢蹙蹤跡似
蓬萍極目風沙遠連天草樹青易消魂黯黯難禁髮星星遂怨
那堪捻歌悲不耐聽醉鄉無惜別人世漫勞形痛飲酬風景
然不願醒

七言古詩

中和節

月課

一氣循環無停機羲娥迭催如擲梭四時佳興與人同最愛令
節當中和隱隱輕雷動群蟄霰霖時雨初經過欣欣衆卉皆向
榮熙熙物色無等差暑雨祈寒足怨咨憐慄其如拙落何爭似
二月之初吉一年光景於焉多白衣山人能解事雅論千秋未
消磨民事從來不可緩千秋萬務宜講劇青囊相遺獻平反要

固邦本除煩苛所貴能致位育功中和在人非由他佳辰令值
泰階齊春臺處處喧謳歌青春未須愁日暮筆鋒擬揮魯陽
戈

七言排律

題趙學士苔溪圖 押溪韻月課

縹緲吳山雲外迷寒溪一派瀉玻璃玉虬隱見晴沙遠羅帶依
微芳草齊浪蘼紅霞桃夾岸磯籠翠幄柳粧堤槎橫縮項紋生
水渠浸長腰雲滿畦鷗鷺有情蘆際立衡茅無主竹邊低何人
信筆開新畫學士關心憶舊接羈宦風塵隨組紱歸心日夜逐
鳬鷺邵公欲種方名誤箕範難陳心事睽遊在卧中真可賞詩

藏畫裡不須題莫將摩詰坐居比涇渭千秋川與溪

輓詞

輓鄭牧使

淹

哀慕終身在大自，有虞之後見夫人。
超群鉛槧渾餘事，範世儀刑自有真。
北闕調羹期已缺，南州醫瘼澤猶新。
桐鄉缺是同年友，老淚那堪灑暮春。

輓鄭別座

二首

高年曾欠殷眉事，詎意妖蛇鏡裡盤。
秋月缺春風座上體，常胖樹推寧禁舉魚泣。
玉潤缺笑談容薄劣，桑榆襟抱若爲寬。
耆造人咸仰歲行，驚在蛇餘歡追鶴駁。
積缺一命官衙拙千秋，今譽嘉西門今日痛。
執友共傷嗟。

輓長城孫女

鄭霞谷女 二首

何處含飴垂二九空山忍見蕙蘭萎從爺婦道能諸得學母女
工無不爲擇對未成秦晉紂厄賢難避已辰期定應去作嫦娥
伴輸與明心月照楣

天子鍾淑質胡不與其年旣集阿孃壽更慳汝命延我心非僻
度渠善質堪憐恸矣無瑕玉深深入九泉

輓黃通判

義元公二首

傷哉揭揭吾通判六六光陰何太忙萱室鵲原霜月苦葯房蘭
快曉風涼僮扶旅櫬尋先兆婢抱穉兒向廢庄嶺路高低千里
雪忍看豐饌擲樓傍

自恨相逢晚同僚未幾時孽胡猶敢逆壯士忽先萎孝友平生
事母兄此日悲嶺雲千里雪穉子不勝衰

款

晚林湜二首

倚頤何曾識歲凶計然長笑遠追蹤姓名不用題紅紙第宅真堪飲素封草土務踈憐疾疾門楣車馬喜雍容一生歡憾供炊黍秋夜空餘

會合常嫌碍一峰幽明爭奈隔音容華堂樽酒輸濃款蒲寺秋杵接鏡鐸送老雞豚曾有約交頤涕泗豈無從秋風吹起山陽遂何處黃壚得再逢

晚金陰竹約二首

冀村來遠少眉伸不有先生孰見親曾擬百年瞻懿範爭期七袞還天真才憎命達點緣竹貪坐官清鬼笑人笛咽山陽風入樹園中老李更無春

黑^使垂未穩世路足歎崎江山隨我適樽酒度年稀南服元柔
弱北方自是非大小運猶在肯教餘慶微

晚姜臨二首

王謝來^使出類姿膏燭萬甲不曾施屢肩都尉逢時舛猿臂將
軍歎數奇揚解纜四君是雋園砮聊復我為師傷心六十年前
事揔入諸郎風樹悲

蟬聯望族衆推龜魚稻江村樂自肥万里封侯僞骨相一鄉談
務卓風威一節折桂香聞遠餘子成珠水有輝忍把平生爭鵠
子蘼章題送北邙歸

哭浪谷舍兄二首

吾疾在身痛在兄兄今至此若為情提攜共守青氍毹勸勉仍

題紅紙名嶺路看雲鴻鴈急荒原閑日鵲鵲驚衰門盡向冥間
去長枕何時得再並

妙齡勤學業人一己千之自擬魯而得爭如數也奇筆飄空豈
爲似續繼堪悲七十五年事空成薤露詞

斃人二首

天公爭遣若人萎六六光陰泰一炊刻楮浪勤三載業屠龍空
破千金寶鵲翎歲暮關河隔松柏秋高風日悲賴有餘留二子
應知餘慶自難虧

青春三十六斧屋夜悠悠落雪空題杜松楸負首丘流哀鴻序
斷吹怨鳳始出兩兩女兒哭秋天万里愁

斃權牧使大德

少壯相逢晚如何遽永辭男兒得意氣人世足睽離盡職生平
事富恩幾處悲久要應再續蛇壺不勝哀

輓李監司仲虎

忝同庚子榜中人野鶴雞群看出塵帷幄論思知世美杯酒談
笑見天真床榻謝笏先生戶杵輟秦春德在民風樹聲宸隣遽
咽晨星牢落更傷神

輓人

生平莫逆獨吾君此日幽明慟永分共睽殘編山寺雪同消壯
歲洋宮芹幹排雷雨期松茂年厄龍蛇歎蕙焚故社空餘豐上
辭蓮歌巨耐續停雲

輓從子南原府使璣前夫人金氏

冥

何處喜對案齊眉功業應知賴斷絲棟棟公堂開宴日祁祁家
室莫殯時瑤華共擬千齡馥槿萼爭期一夕萎寂寞谷堂憑士
女卿卿血淚自交頤

輓梁松川應鼎之二首

六十之齡官二品彼蒼何以答仁賢凌雲健筆風翻海驚世高
談電閃天正署薰陶嗟少日鱣書誘拔喜多年不堪八耳山陽
笛街恤爭如大小連

大丈夫心君子群春風座上氣氤氲文章遠倒韓山斗筆法能
追王右軍壯志每懷清海岱諸生杳視衆河汾餘論漫起觀周
後一棹終歸動聖聞

新紼那堪玉筍垂郎君是我莫逆知奉頽贖有齊訣饋非徒酒
食宜三載雷封推內化六旬斧屋趁芳期門楣贏得留餘慶休
恨曾無幹蠱兒

崑崙片玉摘髭然九萬扶搖在一竊單父鳴琴治自異延陵觀
樂對堪專德如蘭蕙能薰鄙年入龍蛇政厄賢昨日音容今永
隔都門執紼淚懸泉

輓人 五首

齊眉案作栢舟詩貞靜平生德匪虧地下要伸偕老約人間不
念飲杯悲贖喜曾有乘龍女休恨今無幹蠱兒八十二年炊黍
裏空留餘慶照門楣

彤史芳聲想不刊生平閨範孰追班無煩傳姆元徽懿能主頽

繁自靜聞鼓瑟當年愁總帳吹簫今日向
綏山無邊落葉風前
樹前如待卷還

金托牆籬慣識河東貞靜姿豈有勃磈虧婦德卻將溫惠整閨
儀百年共擬瑟琴穩一夜爭期蘭蕙萎
兒女滿前郎去室飄飄
丹旄向何之

袁壺

遐齡餘八袞壺化作時標溫惠聞風勗勗
觀德饒栢舟傷昔
日薤露歎今朝善積知多少門楣慶自遙
百年炊黍夢半百一
何催衰竟調富肉茶醬美似醅
鞠兒平生苦宜室肅雝才一夕
霜風緊那堪蘭蕙摧

輓吳習讀公夫人二首

家貧來贅仰深慈弱冠如今到白鬚
彤史他年儀作範綠衣當

日德無虧易成隧賦重泉樂難報春輝寸草悲八十二年梭一
擲不堪和淚寫哀辭

忍把射屏手還題挽紼篇雖稱云子半實是受恩全陰鶴鳴應
和窮鰥信倘傳遙知月殿裡傍母耿無眠

挽張兵使弼武

飽聞今有古良將一見真知是丈夫返朴端能逃叔季缺似欲
脫孫吳虎曾挾乙威凶醜豹尚留皮警俗徒缺生平懷壯志山
河應遣衛王都

挽人二首

大壽從來係彼天彭殤各占短長年生平齊物同莊叟此日情
懷遣莫緣

欲將脩短問蒼天
賢淑何為不畀年
他日仙局應再叩
一生不
舊因緣

挽人

溫醇真稱相家兒
才貫弭張無不宜
三縣疲瘡咸得乳
一州髦
駭盡成規
純心遽爾傷
萎蕙餘慶應
首屬作楫
驄馬昔年同
截陌那堪和淚瀉
哀詞

竹谷先生文集卷之二

疏

與館生請伸趙靜菴

光祖

奇服齋遵金沖菴

淨疏

咸均館臣某等謹齋沐刎心百拜上言于主上殿下伏以士
習之於國家所關重矣士習之正不正而國家之治亂於是判
焉故士習正則趨向定而國家治士習不正則趨向未定而國
家亂為人主者可不思其所以治者而防其所以亂者哉然而
其所以正士習之方亦在乎人主之明其好惡以示趨向之道
然後在下之人亦有所觀感而知所趨矣顧乃世下俗汚人情
莫不以輸凡徇俗爲之當然故必也拈出時人之目所覩耳所
聞者而進退之以明其好惡然後人亦知其好惡之實而識其

所休歸也嗟呼當今之士習儉薄久矣可不究其所以儉薄之
原而正之乎臣等竊念趙光祖以豪傑之才從事於聖賢之學
其雲際會得遭我先王求治之誠一心徇國期臻至治邦國
不幸奸邪構禍使其愛君之臣憂國之士并皆齎志長辭而存
恨於凡天之下有志之士孰不仰天椎心泣盡而繼之以血哉
嗚呼光祖之學之正其所傳者有自來矣自少慨然有求道之
志文業於金宏弼宏弼學於金宗直宗直之學傳於其父司藝
正淑淑淑之學傳於高麗臣吉再吉再之學得於鄭夢周之
門夢周之學實為吾東之祖則其學問之淵源類此其平居待
人以和接物以誠事父母盡其孝處兄弟極其友研窮益精踐
履益為大本既立而功利之說不能淫故傷今而慕古貴王而

賤伯公正之心方直之行不渝於金石而可質神明則其行己之正類此及其見過於先王則感先王愛士之心喜先王待賢之誠以學藝履契之業責其身以二帝三王之治望其其君知無不言言無不盡徒知有其君不知有其身徒知有其國不知有其家元古之嘉言善政可行於今者無不達白焉凡今之賢人吉士可用於時者無不薦用焉古者人生八歲皆入小學故使初學者學之古者有三物八刑之制故以藍田呂氏鄉約之法行之古者有賢良方正直言極諫之科故制爲薦舉之試則其事君之誠設施之方類此其行己之正旣如此其設施之方又如此而先王之倚眷益隆則如鬼如蜮儉邪媚嫉之類將不得肆志於太陽之下故含沙石張機弩期伺其隙而

一發焉則其不為所中者鮮矣嗚呼南袁沈貞李沆之罪可勝
誅哉索以媚嫉奸邪之魁而飾以文墨小技貞沆以貪毒凶巧
之徒而聽索頤指見公論益張是非益明而賢邪之勢不可以
兩立則相與謀為擯斥之術作為不經之識黯黯之說熒惑
天聰中夜起事潛漏西門以驚動之天門九重下情難達事起
倉卒情偽難辨先王不得已而苟從其言初豈我先王之
志哉當是之嘗太學諸生排闥抗疏號哭大庭爭囚禁府則先
祖之無罪明矣士林之憤冤極矣幸賴先王之聖明特從末
減之科而命之曰汝等皆以侍從之臣上下同心期見至治汝
等之心非不善也近來處置朝廷之事似為過誤使人心中
不平故不得已罪之于心豈亦安邪然則罪先祖者豈先王

之志哉自是之後檢人植黨布滿要津目以爲僞學爲說教指以爲尚奇喜事爲變更舊章元一時賢士大夫莫不鋤治而焚刈之噫茲數言者豈非古今奸黨擠陷賢士之一窠乎尚奇喜事變更舊章之謗前則司馬光之賢而不得免焉說激僞學之謗後則朱熹之聖而不得免焉況今末世奸邪之无忌憚者欲構賢士之罪則何患無辭哉及我先王追念光祖等之無罪而將欲爲收敘之計則如來貞沆輩陰嗾尹世貞黃季沃等無賴者數人上書誣論託以爲布衣公論而置之重典世貞季沃之希世論疏固無異於余熹之上書乞斬朱熹而當時之奸人無有如謝深甫之抵書于地則其狠愎殘忍亦已甚矣嗟等伏聞諭命之議一決行路之人莫不涕泣失聲而哀其無辜則光

祖之賢信於人深矣及其臨死從容顏色不亂但曰愛君如愛
父憂國如憂家又曰白日臨下土昭昭照丹衷則光祖之忠誠
天地之所共監也惜乎以光祖之賢遭先王之聖卒爲憮邪
之所構而抱恨入地臣等每念至此不覺拊膺痛哭也夫以先
王之明豈不知光祖之無一毫私心哉特急於鎮定來貞輩之
情而爲此不得已之舉此豈先王之志哉噫臣民庶祿不享
遐筭遽有鼎湖之慟其未及追復光祖者莫非先王之遺悔
也然則今日之責顧不在於殿下乎殿下誠孝自天愛所
親敬所尊凡所以繼志述事者無所不用其極則獨於光祖可
不推先王之初心哉先王末年上而臺諫侍從下而章布
之士交章爭論欲明光祖之無罪不爲不多而其於疏中章皆

弊

循用詭激喜事之語此豈足以知光祖哉光祖之行已處事平
平正正而指以爲詭激喜事者索貞沆其人也欲以明光祖之
志而反繫諸光祖之說亦淺乎其知光祖也其曰變更舊章者
臣等請有以辨之自古及今法立而弊必生故三代之時亦有
損益之制則損之益之當與時宜之而邪不可改者唯三綱五
常而已臣等未知光祖之所更者其三綱乎其五常乎漢儒董
仲舒之言曰爲政而不行甚者必變而變化之先王之初廢
朝之餘習尚存則豈非變化之秋乎當其變化之時苟非聖人
之神化則其所以條教法令之施豈能無痕跡哉如其有痕跡
則習熟見聞以爲尋常之人孰不自駭而自驚哉然則決不可
以變化短光祖也媚嫉之害萋斐之罪萬死難酬貞沆雖已伏

竹谷先生文集卷之二

罪而不得正其如罔之罪則不可謂以罪罪之也况南秦尚以
奸魁享榮考終勸懲之道果安在哉忠君愛國之賢卒所不測之
禍妒賢罔上之奸反享富貴之榮豈不反哉伏願殿下睿先
祖之至情念先王之遺悔賜祭贈爵一如先王之於金宏
弼鄭汝昌則士習幸甚國家幸甚嗚呼先祖之追獎固無益於
九泉之朽骨而臣等之所以眷眷於此者正以先祖實乃吾儒
之宗匠也自光祖之死士氣之蕭然久矣士習之消薄甚矣至
于今日正直之風息廉恥之道喪靡靡成習貪汚成風人皆以
模稜爲貴軟熟爲賢危言者以爲狂危行者以爲僞諛佞之習
有甚於西京之末一有剛毅正直守道循理之士出於其間則
名之以僞學之流而加以詭激之謗數十年來以此數字禁錮

一國之賢人君子必使之無所容其身而後已此豈盛世之事
而向忍言之哉令我 陛下新服厥命四方之民引領拭目以
觀新政苟不及此時明示好惡則行邪之徒必將彈冠相慶而
爲善者忘又嗟乎當時之士無衆而橫罹者不可勝數而有如
金淨奇違之死最爲誣枉淨遵皆與光祖志同道合協力贊治
及其禍起淨謫錦山遵竄牙山心知其必死而欲與其母一訣
淨言邑宰乞暇覲其母于報恩而還斯可謂以命乎遵之母遠
隔長江不得自如則登嶺望遠以寓古人陟岵之思有頃而
還斯可謂以命乎茲二臣者實欲以命則豈有自還之理乎兩
邑之宰希附索貞之旨鍛鍊而誣告索貞乃復攘臂肆言以爲
淨遵自謂動法古人而卒乃以君之命則其流之所行類若是

至乃以是累光祖甚者又以不軌之名加光祖而蔽錮聰明
可勝痛哉自古小人之巧歸無所不至以趙汝愚之忠直亦未
免於假夢爲符謀爲不軌之譖而冤死遂也則光祖之情亦可
以此而推之也伏願 殿下新察而一雪之則不唯三臣之魂感
泣於冥冥之中 先王在天之靈亦且喜 殿下能盡繼志之
意也然而復其職申其枉明好惡之大也愛其人尚其志明好
惡之實也 殿下雖能復三臣之職苟不察其情而愛其人愛
其人而尚其志則其所以好之者非所謂心誠好之者也雖欲
明所行是使下之人知所趨向其可能乎此傳所謂所令反其
所行而民不從者也伏願 殿下留神焉臣等俱以狂簡叨居
首領之地耳聞目見慷慨於心者非日非月矣夫以學校禮義

相先之地而羣聚講論者只以科舉利祿爲儒者事業不知禮義爲何物學問爲何事若有有志之士修身謹行推經論心者則羣排衆謗目以爲道學之邪氣指以爲詭激之餘習相與怪責而忌嫉之臣等身親見之不勝憤菴究厥所由則莫非已卯之禍有以啓之也噫僞學之黨一錮一除而趙宋之國脉潛已斲喪豈豈非今日之殷鑑耶臣等徒能讀古人之書而貿貿焉不知趨向之方嘗竊思其所以致此之源而未嘗不沍沍然先祖之死故謹瀝血陳辭伏願 殿下勿以人廢言幸甚臣等无任懇切之至

附批答○此等人事 先王豈偶然計而處之故不允

二疏

孟

孟

弊

山谷先生文集卷之二

臣等不忍士習之日渝公論之久堯不揆愚賤妄陳管見天聽
邈然申枉無期退伏三思不省所謂乃復三復聖教而反覆
究思然後有以知殿下之志也夫哀慕先王意思皇皇事
在先朝不忍輕改誠孝至矣然而公論所發有所大不然者
則臣決知不可以此而泥之也若不論事之是非勢之可否皆
諉以先朝之事不能隨所遇而裁之則公論終不得行矣此
豈常行之道哉嗚呼光祖之死士林之痛公論之苑久已極矣
尚可以苟爲之辭哉今日之申枉固無有於已死之朽骨而其
有關於國脉者爲重今日之褒崇又無有於臣等之一身而其
有關於士習者爲甚大其可以緩急徐視而姑爲之遲疑乎昔
宋臣司馬光爭論新法之弊曰先帝之法其善者百世不可廢

唐王公石呂惠卿所建而非先帝本意者改之當如救焚拯溺
也元祖之得罪初非先王之志而出於秦貞沆之欺罔則
改之有何所證而牢關固拒哉宋之哲宗徽宗籍元祐諸賢
為奸黨欽宗即位元年除其禁而贈之官孝宗寧宗禁偽學而
罪未嘗理宗追封之而從孔子廟祀臣等未聞後世之持公論
者以欽宗理宗之此舉謂之改先朝之事而有所是非也若使
二帝留難於輕改而不能變通則後世之公論必有所歸矣近
就我朝之事而言之則昭陵見廢於世祖大王之朝而
改正於先王之初載茲非先王之盛節乎若以世祖之
計為不偶然而猶吝於復正則其於公論何如是非何如然則
殺下可不推先王復昭陵之心行先王復昭陵之事

而一從士林之公論一正士習之滯薄乎臣等抑有所未解者
李沆之奸得罪於公論伏誅於先朝殿下嗣位未月遽復
其職又有不容於士林而是廢於先朝者特有收敘之命
受大臺諫之爭論然後已至於先祖之追獎其所關重且大
者則雖有草萊之公論亦不得蒙俞臣等實未知殿下之
行惡何所在而抑恐鬼域之徒已窺殿下之淺深也伏願
殿下徧惡而夫斷之則士習幸甚公論幸甚大抵不可輕改者
情也不得不改者事與勢也如得其當則固當無改苟非其當
而列欲无改則公論泯矣然則今日之事勢固有非不得不改
而亦有所不得不急者也伏願殿下痛察焉嗚呼善善惡惡
人同此心帝往人亡公論猶激臣等每念先祖之死直欲額天

弊 弊

盍

而三從嘗欲一剗丹心庶幾仰激 天來何意微誠不孚 天
意未回聞命頂越背膺交絆思欲泯默而退則又竊悲先祖之
志暴白無明士習之幣匡救無日誠激于中不忍緘口受竭愚
未再有塵清情意迫切言語無倫仰叩 天門不覺頂涕伏願
殿下哀其情而察其辭臣等無任激切之至
批答○不從之意已盡言之故不允

三疏

臣等稟性愚戇不自量已越位犯分敢陳公論 天心已錮逆
言難入伏聞 聖教心膽墮地固欲結舌而退坐視靡靡之習
而慷慨之懷奮激于中憤死之情不自敢抑更扣 天門冀激
宸衷嗚呼天將喪斯文矣有賢如光祿而死於誣枉得君如

殿下而公論不行臣等伏地痛心不知天心之終何如也嗚呼道其墜地矣一光祖死而舉世吹薤危言危行爲世大禁于今十數年是非猶不能明臣等仰天疾首不知士習之終何如也嗚乎譏諂面諛之人至矣好惡既分賢邪類至故訛訛之聲言言拒人於千里之外今我殿下復奸人之職猶恐不及中賢者之枉苟有所諉消長之機於斯判矣臣等傷今思古不國脉之終何如也然則殿下之好惡可知矣公論不行是不可以正學一脉湮滅無餘臣等私憂過計竊不勝漆室嫠婦之憂未嘗不流涕於士習痛哭於國脉也意命之窮矣亦已矣言有盡而情則無窮事已往而公論難泯略陳一得之愚庶幾今日之殆臨沃願殿下赦其狂妄而採其愚衷情款意切

矢口盡言吞聲飲泣伏紙頂越臣等無任迫切之至謹昧死以聞

附批答○汝等居首善之地好古而論詩疏章三上辭懇義直所學之正何以加此我先王教育之澤亦可想矣然言之不從有意存焉且太學雖曰公論所在是非之定自有朝廷言是非則得矣期於定是非則非太學事也汝等姑退而更思之

請宥前務安縣監全應禎疏

戊寅○事見栗谷集
經進日記

汪某等謹上言于主上殿下臣等伏以天災流行國家代有洛水之警桑林之責堯湯之野不能免今殿下遇災而懼不歸之或然之數謂出於仁愛之天下哀痛之教求消弭之方謀及葛藟誘以盡言其憂勤惕慮之意高出古昔帝王之上所謂

弊

軼堯駕湯而非叔季之君飾虛文應故事者之爲也臣等聞天
道遠人事邇非邪及也夫以漢儒之明見博識尚流於災異之
失臣等生長海隅耕田而食而已鑿井而飲而已安能有所知
識上裨 殿下側身之懇乎況涸竭蠹瀆之微注措施爲之缺
用舍進退之失轉移感動之機如在九天之上非微臣等所可
指摘其瑕類以某災爲某事之應也猶有一端臆臆耿耿鬱鬱
不能自己敢有所陳達焉臣等伏見前縣監全應禎之爲人雖
短於文理而長於武略雖闇於識見而雄於膽力到官之初拳
拳以除弊祛癘爲務儉以自奉威以御史數月之間闔境安堵
偶居殿課不厭衆心孤遠武班靡有勢力立身一敗萬事瓦裂
下吏等之曾得罪於前縣監者乘縣監有可恨之隙胥動饒舌

所
貪殘
髓

轉及監司之耳至發差員而按驗則解由之資與人之物用度之費合米豆皮穀爲二百四十斛而被現還納斷之以法則在所固赦授之以情則猶有可原前縣監所出之穀非會計數內之穀乃會計外耗數之穀也列邑收糴之際例捧十一之息以擬耗欠之數名之曰耗穀守令認爲私物以之爲不時隨宜之備以之爲賓客供億之具以之爲所識窮乏之濟至於遞去之時恣意所欲無有紀極者滔滔皆是前縣監所給解由邑吏之穀米豆皮穀并爲八十五斛則其與雄富之邑解由之給多其二百餘石者異矣與人之穀通計爲四十六斛則其與貪賤之宰剝膚椎隨船運駄輸納賒權貴使之譽阿大夫者異矣差員按驗之際下吏及庫子等恣於刑杖言斥土主冀已無事一時

捐

所供之招固不足信設使其言之可信縣監之初欲以支穀若干錢爲入己之計者亦欲以爲其老父滌滲之資耳所謂以親故受污辱之名者也於心終有所未安還屬于官以爲公家之用則其與先貞後黷迷而不復者大有間矣解由之資本不當如許其煩費而外方各邑之吏故爲遷延並緣爲姦京中各司之吏百計刁蹬侵漁外吏猥濫之弊遂至於此非獨務安一縣爲然也與人之賊在律猶嚴取與之際禮所當謹然非其道義一介不以取與人者古今天下惟一伯夷而已古之人有以財與人者魯肅指三千斛之困范純仁損五百斛之母此則猶爲以其私物與人也于頃爲襄陽以百萬緡爲相識買山之資閻伯輿爲州以五百緡爲詞人潤筆之供此豈皆取諸其私俸而

弊

與之列邑用度之費大半胥越於應接賓客賓客之耗數列邑
實富今之巨幣使星公行之外一切私行之禁非不申明矣然
无忘須旅乃孟子之收訓宿宿信信亦詩人之所稱杜甫休嚴
武三年于成都蘇軾留蜀士半載于惠州哀其窮而不與之絕
以涵鉢家者何限今焉各項罪目皆歸諸一縣監而當之以賊
律則臣等恐其有恥於 欽恤好生之至仁也近來守令之被
擬于時行御史者非罪皆至於 缺若盡提其不法文書則其不
抵死罪者幾希矣濁世末路人慾益肆貪穢食之吏不可勝誅
殿下之意豈不欲因此現發懲一以警百乎然漏網者爲吞舟
之魚覆置者非爰爰之鬼則行險徼倖私自封殖之徒皆將曰
成敗由命不由自作爲吾所欲爲耳安能爲 國守財乎云爾

則烏在其爲懲此而警彼乎臣等聞前縣監於獄中奮拳大呼
曰爲人臣不得南殲寇倭北鏖賊胡空作園土中朽骨乎撫膺
長慟曰爲人子不能終養老父而反使老父大傷其心乎其父
在康津年垂缺十氣息奄奄十莖雪髮淚綴鮫珠每聞加刑消
息絕而復甦叫天而祝曰天乎吾兒罪不應死願天活吾之兒
籲地而祝曰地乎老身命在朝夕願未及黃泉而相見蠅洩焉
見日而祝見月而祝見星而祝若使兩儀三光爲混茫無知之
物則已如以爲仁復厚載昭布森列則寧不爲之感傷和氣以
成變異乎于公慟哭三年大旱鄒衍合悲五月飛霜匹夫匹婦
精誠所激感動天地者比比有之況父子至情天經地紀人理
所極者乎稽之周官三刺之法則訊萬民爲第一刺今也一邑

之人皆欲百身以贖則萬民之情大可見矣參之以八議之設則議能之條居其一前縣監弓馬之才罕有其倫亦可謂之能矣齊王欲襍星變將發大赦而先封金帛之事者防其豫知將赦而偷竊金帛也偷竊王府寶藏者并被雷雨之解則前縣監之事雖干贓污厥罪惟輕況所出之穀還納于官則實是罪之可疑者也呂刑曰墨辟宜赦其罰百鍰先儒以爲可見三代忠厚惻怛之遺意云前縣監四年繫獄傾家破產受刑至於百有餘次田无卓錫脛無完骨矣唐百鍰之罰而已乎十室之邑必有忠信臣等豈皆阿私前縣監以欺罔 殿下哉誠不忍其會有撫字之勞而橫罹贓汙之罪也 殿下又教之曰言雖不中亦不加罪臣等愚昧不知所言之實中與否而心誠求之雖不

中不遠伏願 殿下特發渙汗肆赦此人則災異之變或可消弭而全應禎父子亦必殞首結草以自效其素所蓄積矣伏惟殿下少垂矜察焉臣等无任激切屏營之至謹昧死以聞

箋

賀送走回唐人 皇帝送表裏箋

天子明見萬里誕降十行之褒上帝眷顧一人幸甲百祿之總瞻聆所暨蹈舞收均恭惟 皇上殿下守度惟寬畏天所保返西土之逋播茲乃至誠使然分南服之筐篚實是中心所冀展也由德之致猗歟不顯其光伏念臣職縻巡南心切拱北原隰靡反雖阻筍玉之班咫尺不遠采切葵藿之悃

正朝賀箋

位任德元允合四時之序慶自天佑聿新百祿之綏鳳曆初更
鴻圖益固恭惟 主上殿下協舜齊政法堯授時憲天體仁謹
三始而敷大化居正建極歟五福而錫庶民猗既純於 一人
裕自垂於萬世伏念臣跡縻棠蔭心拱 楓宸嶺外布德音雖
阻頌椒之列日邊望雲氣益切獻襪之忱

沈大妃昇遐陳慰箋

黃裳御坤極咸仰 母儀之隆白雲至帝鄉遠遭徽音之輟悲
纏窮谷淚徹重泉恭惟 主上殿下以禮無違恩孝維則慕式
穀之恩眷縱難強乎抑情承裕盡之行有宜存戒於傷性冀循
顯戴之輿情勉裁俯就之 宸衷伏念臣職巡南陲奔阻北闕
臨乎上若式見也慟沒世而不忘吸其泣何嗟及焉願制哀而

壺

中節

中宮丹封賀 大殷箋

大德受天命龍飛應千一之期君子得好逖鷄鳴警九五之缺
祥定六禮歡愜羣黎恭惟 主上殿下道著造端教成恭已承
宗廟奉 社稷不亦重乎刑宮壺御家邦斯其至矣茲當正
始之日式膺無彊之休伏念臣心懸掖庭職縻原隰布二南之
風化載馳載驅頌百世之本支且歌且舞

中宮箋

拔乎萃配乾元兆協玉衣之覆寢正其位御坤祗吉應黃裳之
在中不顯其光無彊惟福恭惟 王妃殿下德侔馮河儀符治
陽嗣徽音而定祥隆本支於百世成內治而贊化陶馨香於萬

民茲當紆禮之成永膺繁祉之錫伏念臣職叨攬轡誠功望雲
身滯南陲且羈班之序神馳宸北敢誦麟趾之詩

大殿箋

左右而流方求參差之苻萊鍾鼓以樂忽作間關之睢鳩喜溢
閨房慶關宗祧恭惟主上殿下升聞玄德入承丕基敦五
典造端宜先得其聖女統萬物爲始豈可無其賢妃思之長兮
願之適矣天作之合文定厥祥親迎以行示母儀於百世式
燕且喜播德音於四方不顯其光自詒多福伏念臣盡心宣化
竭力觀風八鑿鏘鏘縱未補來職之闕大車檻檻庶幾致習俗之移
中宮箋

脫塵之姿先不晦於下界覩天之妹德已配於王躬喜聳瞻

聆輝生動植恭惟 王妃殿下幽閒貞靜專一端莊幾年深閨
抱天然之美資一夕丹闕作君子之好述如瑟如琴爲鸞爲鳳
好合無射和樂且湛惟德之行將嗣徽音於前代猶風之動必
愛舊柔於遠方豈特一人之祥抑亦萬民之福伏念臣欣欣有
喜斷斷無他側耳雲中常聽關雎之奏回頭日下每瞻葛藟之
素

正朝箋

青陽啓序轉一氣之洪休丹宸蒞朝致四方之來賀歡均臣庶
瑞藹堪輿恭惟濟哲溫恭聰明睿智惟天爲大以成歲而釐百
工如日之昇茂對時而有育萬物茲當今辰之屆益膺純祐之臻
伏念猥以庸姿幸逢昭代職縻州牧雖阻鳬趨之班目注雲霄

倍彈虎拜之懇

青陽啓序祥回鳳曆之春升衣臨朝瑞謁龍墀之曉慶紹宗社
喜盈臣工恭惟主上殿下齊聖廣淵溫恭允塞對時育物仁
敦好生歛福錫民治隆建極爰當令節益膺純禧伏念臣猥以
散材叨逢聖際跡縻南邑雖阻鴈行誠縣北辰倍彈燕賀

大段箋

乾道當陽威觀聖人之作坤儀定位崇迎嫡后之尊喜溢臣民
慶開宗社恭惟主上殿下玄德升聞丕基丕承造道之端得
幽闢而大作之合敦倫之始屈尊嚴而文定厥祥不顯其光莫
如斯樂伏念臣竭力宣化盡心承風身行南方縱未施召伯之
惠心縣北闕庶不屯文王之膏

中宮箋

百兩而御終知室家之宜九十其儀并見乾坤之泰椒房慶溢
草野歡騰恭惟 王妣殿下出人之姿覩天之妹爲宗廟主奉
缺祀而受景禧作君子述嗣徽音而成內治燕翼之始麟趾之
基伏念臣北闕承流南州宣教愛召伯德縱未臻甘棠之詩化
如后風庶採貢標梅之詠

禪祭箋

三載宅憂既盡孝理於一國中月行禪肇舉吉儀於四方慶近
宗枋歡均朝野恭惟神傳聖繼居正體元愬則著愛則存優乎
聲容之如在道以德齊以禮燠然文物之可觀茲當哀制之終
益膺純禧之至伏念臣猥將庸品幸際昌辰跡滯陝分雖阻駿

奔之列情縣 楓禁倍申虎拜之祝

耐廟箋

闕宮內安肅延百世之裡祀寶座垂拱誕受多方之賀儀凡在
瞻仰孰不蹈舞恭惟 主上殿下思恭思孝致敬致哀見乎位
聞乎聲每切羹牆之念述其事繼其志益篤梁梠之誠景命惟
申鴻圖永固伏念臣獲紆重寄適逢昭時有本有支願賡詠於
周雅乃富乃壽竊效祝於華封

咸均館率諸生謝 賜學田箋

元聖應寶圖聿建君師之極至治急先務允隆樂育之恩澤流
中宸光溢半壁伏念臣等材俱樗散學靡淵源竊位臯比寧
見化螟之效濫巾章甫祇事雕蟲之勤懼何裨之有譏報無益

之末詩章謂錫賚之盛典而出獎勵之多方彼甫田畝幾十千
俾充養實之具爰取木田可三百不煩繼粟之勞擬萬鍾而既
切於四簋而亦素榮與愧并感隨兢深伏遇 主上殿下精一
心傳智仁躬率體虞朝命嚶之美意恢周王作人之宏模肆令
寵章儒紳予以振德教獻臣等敢不益勸誘掖相觀奮興譚詩
書而闡明燕奉揚於色教妙爲魚之鼓舞期俊造於昌辰

擬禮曹請以律賦取士用變文體箋

士生此王國既盡作興之方文章貴適時宜盡變進取之道
肆摠芻蕘之一得庸瀆絃續之四聰竊觀文體之變更實係有
司之取舍昌黎尚奇古天下靡然以隨廬陵黜險陟士習翦爾
而定宜法往昔丕變來今恭惟 主上殿下爲治取士必

得聲爲律身爲度敷文教於東方車同軌書同文恪侯度於西
夏永有畏天之志恒殫事大之誠惟其善爲說辭是以情通彼
此應對鮮有敗事寔賴翰藻之工誠意得以上乎必疑儼偶之
語善四六見補華夏者非一二著在簡編焉茲麗朝倣唐宋而
取人俾諸生謹聲律以爲賦以逮我國之始尚循前代之規吁
嗟乎權輿不承士欠功於肄習奈何哉葫蘆休樣孰能盡夫事
情草創旣無裨諶討論誰爲游吉率多金銀之舛謬不見宮商
之諧和如欲務變其所爲固宜更張而取士斥膚淺而用其律
時所尚士皆爭趨集髦俊而拔其尤上之好下必有甚伏望俯
從微懇渙發俞音新一代之設施發舒槐市之志氣革斯文之
蹈轍開豁粉袍之宵襟則有從容閒習之美無艱難辛苦之態

駢四儷六非是鑿空之詞對白拙黃盡爲華國之手臣等謹當
不負所學益殫匪躬念多士終始在茲欽奉菁莪之教育事一
人夙夜匪懈敬贊棧樸之作成

擬禮曹請選授童蒙訓導俾端養正之方箋

右斯文建學設官旣闡立教之道迪小子授業解惑宜舉選師
之規肆當作人之時敢贊養正之策竊觀愚蒙之式穀實由教
導之克明河汾童稚有成實賴王通之表率湖學生徒不情必
待胡瑗之講論從古所關如斯在今授生可忽恭惟 主上殷
下心殫教育念典始終重道崇儒致鼓舞振作之術興化美俗
得匡直輔翼之方非但責振德於成人抑亦望有造於小子發
而禁扞格不勝蓋將濟源而導流時旣過勤苦難成端欲溉根

而食實惠古昔小學之有法慮今時訓官之無多乃命增置厥
官用使具訓蒙士顧多冒祿而無耻或有嫌名而不爲倚席昏
昏本无好爲之惠橫經兀兀安見不倦之仁學不辨亥豕之訛
効豈有螟蛉之似難脫昏冥之桎梏矧見德業之薰陶禮樂射
御書數之文旣不能習灑掃應對進退之節又何足觀在初服
衣旣不端反長成行何能淑如欲循序而漸進曷若擇善而爲
師誘掖誨誨必年高德邵而方可講論疊疊非經明行修而能
堪俾養成其本源豈徒授其句讀伏望有始有卒其慎其難命
宿儒而坐臯比俾遂其業得老師而屈函丈使擊其蒙則欲罷
不能願安承教闕黨必多求益互鄉豈有難言養其性收其心
已有聖賢之坯樸幼而學壯而行將爲國家之譽髦臣等謹當

註

竹谷先生文集卷之三

奉公惟寅得人爲貴教胥子以柔粟雖有愧於虞官作人才而
賓興庶不愆於周禮

擬漢謁者隨何請往說九江王布令倍楚歸漢箋

有德則王旣興弔伐之師得人者昌宜廣懷柔之策肆攄芻蕘
之一得庸瀆紘續之四聰恭惟大王堯舜聖神湯武勇智肇舉
義放沛上允副雲霓之望及定約於關中大濟塗炭之命牧野
之黃鉞纔秉軼道之素車自臻士女裹足而影從豪傑杖劍而
響應茅念楚猴之檢惡敢逐秦鹿而爭衡天怒民離雖匹夫猶
可以誅矣兵強地大非獨力所得以取之苟欲大業之斯成盡與
猛將而共國顧惟九江王黥布實是西楚將彘雄勇邁孫吳懷
決機制勝之略才侔顏牧有折衝禦侮之謀奚啻百夫之防竇

水

乃萬人之敵在此重在此重輕係於去留與漢勝與楚勝敗關其向背難用智力制可以口舌來盡往陳順逆之言使明知禍福之理在離心創德之國既存疑懼之心有同聲同氣之求豈無歸附之意倘不因有隙而說也將恐終無術而致焉伏望特發俞音俯從微懇命愚臣爲一介之使俾弘業成萬全之功則片言可得其歡情一約能致其死力我得不牙之利威靈日益張皇彼失于城之堅氣勢漸至孤弱天下可傳檄而定中原猶指期而平臣謹當善爲說辭道揚威德單辭見信庶可效李路之缺一言定從期不在毛遂之後

教書

丙戌○爲知製教時

教中外大小臣僚閒良耆老軍民等書

王曰人迫無往不復冬既徂而爲春人事有戚必休疾類作
而還休之實關於 宋社恩益推於臣民予以眇末之躬功水
難之責思哉圖治每護虞朝之萬幾虛以受人恒切予畫之
三食宜暇於日晏寢何安於夜分茲致榮衛之易逆復罹諸
副之深慟思 先后委寄之重遂至神疲念後嗣似續之難轉
或心悔而輟倚予之典聊視藥餌之方顧問久闕於講筵稽人
又出於予 廟諭時閱序方慮惘瘳之在躬養性頤精漸覺沈
疴之去體肆當履端之日庸辰受賀之儀保佑自天寔荷扶持
之力康寧受祉庶慰陟降之靈斯乃一國之同歡宜與四方而
共慶自今月初一日昧爽以前除謀反大逆謀叛子孫歐罵祖
人母父母妻妾謀殺夫奴婢謀殺主謀故殺人惡毒惡逆顯惡

國家綱常但犯贓盜及死罪人外時推雖犯流以下已發覺未
發覺已決正未決正咸宥除之敢以宥旨前事相告語者以其
罪罪之在官者各加一資資窮者代加於戲導和宣滯既是復
亨之隳蕩垢滌取用示解澤之普故茲教示得宜知悉

竹谷先生文集卷之二



